



Broj: 02-05-18636-3/18
Sarajevo, 16.04.2018. godine

Na osnovu člana 26. i 28. stav (4) Zakona o Vladi Kantona Sarajevo (“„Službene novine Kantona Sarajevo“, broj 36/14 – Novi prečišćeni tekst i 37/14), Vlada Kantona Sarajevo je na **121.** sjednici održanoj **16.04.2018.** godine, donijela sljedeći

ZAKLJUČAK

1. Prima se na znanje Informacija Uprave KJKP „Vodovod i kanalizacija” d.o.o Sarajevo za period od 17.03.2018. godine do 10.04.2018. godine, sa Izvještajima o radu Skupštine i Nadzornog odbora preduzeća.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

P R E M I J E R

Adem Zolj, Mr.dipl.ing.saob.

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo komunalne privrede i infrastrukture Kantona Sarajevo
5. KJKP „Vodovod i kanalizacija” d.o.o Sarajevo
(putem Ministarstva komunalne privrede i infrastrukture)
6. Evidencija
7. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA

Por. br.: 01841358, Mat. br.: 20187646, Općinski sud u Sarajevu, rješenje broj: 065-D-Reg-16-001045

Sjedište: ul. Jaroslava Čermija br. 8, tel: 237-655, 447-741; fax: 440-658, www.viksa.ba

Pogon Vodovod tel:532-430, Pogon Kanalizacija tel: 668-260

PDV-BB: 200151950004, ID: 4200151950004

Bosna i Hercegovina
Federacija Bosne i Hercegovine

Sarajevo, 16.04.2018. godine
 Broj: 216/ 2018. godine

KANTON SARAJEVO

Ministarstvo komunalne privrede
i infrastrukture
n/r ministra Senada Hasanspahića

Kabinet Premijera
n/r premijera Adema Zolija

PREDMET : Informacija Uprave KJKP "Vodovod i kanalizacija" doo Sarajevo
za period od 17.03.2018-10.04.2018

Odlukom Nadzornog odbora preduzeća broj 04-09/17 od 16.10.2017.godine imenovana je vršioc dužnosti direktora preduzeća i na 5.sjednici Nadzornog odbora preduzeća od 20.10.2017.god., na prijedlog vd direktorice preduzeća imenovani su vršioc dužnosti izvršnih direktora preduzeća.

Konstituirajuća sjednica Uprave preduzeća održana je u ponedjeljak 23.10.2017.god. na kojoj je iskazano opredjeljenje i spremnost na intenziviranju rada u cilju provođenja zaključka Skupštine Kantona Sarajevo i Vlade Kantona Sarajevo broj 02-05-25715-1.3/17 od 26.09.2017. godine, kojom je naloženo provođenje mjera za unaprijeđenje stanja vodosnabdijevanja Kantona Sarajevo.

Prva aktivnost nove Uprava preduzeća jeste izrada prijedlog Plana poslovanja za period 2017-2019. Neusvajanje ovog dokumenata od strane predhodne uprave dovelo je do ugroženosti legalnosti poslovanja preduzeća i realizacije nabavki po usvojenom Planu Nabavki za 2017 koji je sastavni dio Plana poslovanja.

Na prvoj konstituirajućoj sjednici Uprave preduzeća od 20.10.2017.god. u okviru četvrte mjere Vlade Kantona Sarajevo, donešena je odluka o izmjeni Statuta preduzeća. Vlada je zatražila od KJKP „ViK“ da u roku od sedam dana prilagodi Pravilnik o sistematizaciji radnih mjesta u ovom preduzeću stvarnim potrebama i novonastaloj situaciji vezanoj za vodosnabdijevanje. U obrazloženju ove mjere navedeno je da iako je preduzeće donijelo novu sistematizaciju, koja je u primjeni od jula ove godine, Vlada smatra da njenom primjenom nisu izazvani očekivani pozitivni efekti koji bi se odrazili na rješavanje problema vodosnabdijevanja.

U skladu sa četvrtom mjerom iz Akcionog plana Vlade KS, odmah se pristupilo provođenju procedure za izmjenu i dopunu Pravilnika o radu u dijelu unutrašnje organizacije i sistematizacije radnih mjesta.

Uprava je donijela odluku kojom je utvrdila prijedlog izmjena i dopuna Pravilnika o radu,

Banke: UniCredit Bank dd: 3389002208274753,

Raiifaisen Bank dd: 1610000063850067,

Vakufiska Banka dl: 1601040000035670, Intesa Sanpaolo Banka dd: 1549212006139057,

Sparkasse Bank dd BiH: 199 499 00001979 93



Područje certifikacije:
 Proizvodnja i distribucija vode
 odvađanje otpadnih voda

obavljene su konsultacije sa Sindikalnim odborom u skladu sa Zakonom o radu i zakazana je sjednica Nadzornog odbora u čiji je dnevni red unesena i tačka donošenja Odluke o izmjenama i dopunama ovog Pravilnika, čime bi u cjelosti postupili po naloženoj mjeri Vlade Kantona Sarajevo.

Izmjene i dopune unutrašnje organizacije i sistematizacije radnih mjesta u ovoj fazi se odnose uglavnom na tehnički aspekt preduzeća, sistematizovanje Odjela za kontrolu i nadzor te kadrovske popunjavanje (prva faza) Tima za realizaciju Plana aktivnosti na detekciji curenja i smanjenja neoprihodovane vode u Kantonu Sarajevo (NRW-projekat) a sve u skladu sa uputama konsultanta imenovanog ispred Vlade Kantona Sarajevo.

Vodosnabdijevanje u martu bilo je uredno - 24h. Raspoložive količine vode na izvorištima su na nivou prethodnog perioda. Bili su duži periodi zamućenosti vrela i zahvata na filterskim postrojenjima, te smo bili primorani isključivati ih iz sistema vodosnabdijevanja. Stanje na bunarskim sistemima Konaci, Alipašin Most i bunarskom sistemu Mojnilo je bez značajnijih odstupanja u odnosu na prethodni mjesec. Nije bilo obaranja pritiska sa rezervoara niti je bilo drugog vida redukcije. Obustave u vodosnabdijevanju su vršene samo na lokalitetima gdje su rađene opravke kvarova i radovi na NRW projektu.

U martu je prosječno zahvaćena količina vode sa izvorišta je iznosila 3063.6 l/s što predstavlja smanjenje za 2,8 % u odnosu na isti period prošle godine kada je prosječno zahvaćena količina iznosila 3.150,5 l/s. Nastavljen je trend smanjenja ukupno zahvaćenih količina vode. Ukupno zahvaćene količine vode za prva 3 mjeseca ove godine iznose 23.804.822 m³ i zabilježeno je smanjenje zahvaćenih količina vode za 609.915 m³

Kada su u pitanju aktivnosti na otklanjanju kvarova iste se odvijaju svakodnevno što se vidi iz podataka o smanjenju proizvedenih količina vode. U izvještajnom periodu je otklonjen 177 kvarova a ako gledamo period od 17.10.2017 godine ukupno je otklonjeno 1.733 kvara na vodovodnoj mreži.

U periodu između dva izvještajna perioda, Tim za realizaciju detekcije curenja i smanjenje neoprihodovane vode u Kantonu Sarajevo realizovao je sljedeće aktivnosti:

- izvršena izgradnja devet mjernih šahtova sa ugradnjom mjerne opreme u iste, čime su se stekli svi uslovi za potpunu realizaciju svih aktivnosti implementacione faze po pitanju detaljnih mjerenja i detekcije curenja na distributivnoj mreži
- kompletirana isporuka opreme za mjerenje i detekciju i izvršena obuka kadrova koji će raditi sa istom
- kontinuirano se odvijaju aktivnosti na utvrđivanju svih DMA unutar definisanih zona vodosnabdijevanja u vidu kontrole i zamjene graničnih i sekcionih u sklopu koje je izvršena zamjena 36 zatvarača te su se stekli uslovi za kompletno provođenje zero pressure testova, hidrauličkih mjerenja i detekcije curenja
- kontinuirano se odvijaju i aktivnosti na zamjeni vodomjera u sklopu kojih je izvršena zamjena 800 vodomjera sa vodomjerima mjeriteljska klase C
- izvršeno dodatno kompletiranje Tima angažovanjem kadrova koji će raditi na mjerenjima i detekciji tako da je sada Tim popunjen sa cca 70% potrebnim kadrova

Od uspostavljanja nove Uprave preduzeća realizovane su sve aktivnosti koje trebaju da prethode reorganizaciji kreditnih sredstava EBRD-a za Projekat rekonstrukcije vodovodnog sistema, i to:

- Uspostavljena nova Jedinica za implementaciju projekta (PIU tim)
- Ispunjeni uslovi efektivnosti
- Revidovan Plan implementacije projekta na način da je izvršena revizija prvobitnog Plana prioriternih investicijskih programa (PIP). Naime, navedenim planom je bilo predviđeno da se u okviru njegovih komponenti realizuju projekti koji su već realizovani u saradnji sa nadležnim opštinskim organima, ili na neki drugi način, i nisu bili obuhvaćeni projekti za koje se od strane nove Uprave, na bazi provedenih stručno-tehničkih analiza ocijenilo da su projekti prvog prioriteta. Ovo se prije svega odnosi na revitalizaciju pumpnih postrojenja u domenu hidro-mašinskih i energetskih zahvata, ali i rekonstrukciji pojedinih dionica transportne i distributivne vodovodne mreže, zbog čega je bilo neophodno izvršiti prebacivanje utvrđenih iznosa sa jedne na drugu poziciju PIP-a, u okviru predviđenog iznosa prve tranše od 10 miliona Eura. Ove aktivnosti su usaglašene i prihvaćene i od strane predstavnika EBRD-a, pošto se ovakvim pristupom ni u jednom segmentu nije odstupilo od postavljenih uslova i ciljeva realizacije sveukupnog projekta- smanjenje gubitaka i povećanje efikasnosti, i na predloženi način osigurao jedini pouzdan pokazatelj i garant sigurnog i pouzdanog ostvarenja osnovnog cilja.
- Urađen Plan povlačenja sredstava za 2018 godinu
- Izvršena evaluacija pristiglih ponuda za realizaciju FOPIP-a
- Data saglasnost na prijedlog Ugovora sa konsultantskom firmom
- Urađeni glavni projekti za prve dvije stavke PIP-a (Mjerno regulaciona oprema, procijenjena vrijednost cca. 270 000 Eura i rekonstrukcija cjevovoda, procijenjena vrijednost cca. 1 500 000 Eura) i dostavljeni konsultantu za pripremu tenderske dokumentacije
- Pripremljene podloge za raspisivanje tendera za vršenje nadzora (procijenjena vrijednost cca 500 000 Eura-grant sredstva EBRD-a)
- U toku izrada projektne dokumentacije za realizaciju stavke sanacija pumpnih stanica (procijenjena vrijednost cca 4 345 000 Eura)

Da bi se krenulo sa povlačenjem sredstava iz prve tranše u iznosu od 10 miliona Eura prema PIP-u, neophodno je:

- da EBRD dostavi na potpis Ugovor sa konsultantskom firmom,
- da EBRD izvrši objavu novog poziva za iskazivanje interesa na zvaničnoj web stranici EBRD-a u skladu sa revidiranim PIP-om (tzv. GPN –Opšta obavijest o nabavci koju EBRD traži da inovira)
- da konsultantska firma dostavi dokumentaciju za objavu tendera za realizaciju projekata Mjerno regulacione opreme, rekonstrukciju cjevovoda i vršenje nadzora,
- te da EBRD finalizira već objavljeni poziv za dostavu ponuda firmama koje su nakon evaluacije uvrštene u short listu (lista kandidata koji su ušli u uži izbor- 6 međunarodnih firmi) za Program poboljšanja finansijskih i operativnih rezultata (FOPIP).

Naša očekivanja su da će se sve navedene aktivnosti realizovati do kraja mjeseca Aprila tekuće godine

Fakturisane količine isporučene vode u u prvih 3 mjeseca 2018 godine iznosile su 11.550.887,54 KM i bile su za 134.437,80 KM veće u odnosu na početno tromjesečje prošle godine.

Troškovi električne energije u prvih 3 mjeseca 2018 godine iznosili su 2.619.145,04 KM i manji su za 3,5% u odnosu na isti period prošle godine kada su bili 2.712.127,61 KM:

Naplata potraživanja po osnovi isporučene vode u periodu 01.01.- 15.04.2018 je iznosila 12.877.797 KM i veća je za 545.687 KM u odnosu na isti period prošle godine kada je naplaćeno 12.331.930 KM. U narednom periodu ćemo uporedo sa isključivanjem potrošača iz kategorije oravna lica započeti i isključivanja potrošača iz kategorije domaćinstva.

Stanje obaveza prema dobavljačima na dan 01.04.2018. iznosilo je 4.182.656 KM i predstavlja daljnje smanjenje obaveza prema dobavljačima u odnosu na prošli izvještaj. Ako posmatramo period od usporstavljanja nove Uprave stanje obaveza na dan 16.10.2017 godine je iznosilo 8.063.776,13 KM i sada su obaveza manje za nepunih 3,9 miliona KM. I dalje nastavljamo kontrolu troškova poslovanja koje utiče na politiku tekućih obaveza prema dobavljačima.

Od 15.11.2017 godine do 31.03.2018 godine Tim za isključenje potrošača iz sistema vodosnabdjevanja po osnovu neplaćenih računa za vodu i odvođenje otpadnih voda ima je 89 planova na kojima je bilo 787 potrošača sa ukupnim saldom 1.566.549,56 KM, od čega je naplaćeno 480.380,48 KM. Od 787 potrošača, 428 potrošača sa saldom 771.435,05 KM izvršilo je uplatu 404.848,24 KM (53%). Iz sistema vodosnabdjevanja je isključeno 144 potrošača sa ukupnim saldom 209.009,84 KM i isti se nisu javili. U sistem vodosnabdjevanja je uključeno 48 potrošača sa saldom 110.405,87 KM od kojih je naplaćeno 75.531,76 KM (69%) plus troškovi uključivanja u iznosu 8.704,32 KM. Kod 74 potrošača sa saldom 240.060,81 KM nije dozvoljen ulazak u posjed pokrenuta je procedura prema nadležnom opštinskom organu.

U periodu 01.04. -10.04 2018 godine je bilo 7 planova za isključenje sa 68 potrošača. Iz sistema je isključeno 7 potrošača a naplaćeno je 27.658,19 KM.

U periodu 17.03.2018 -10.04.2018 je sklopljeno 36 Ugovora pod povoljnijim uslovima za izmirenje dugova za potrošenu vodu. Ukupan iznos sklopljenih sporazuma je iznosio 89.589,24 KM od čega je odmah naplaćeno 37.854,69 KM a ostatak će biti naplaćen na rate. Ako gledamo period od 16.10.2018 do 10.04.2018 ukupno je sklopljeno 1.303 ugovora pod povoljnijim uslovima. Ukupan iznos sklopljenih sporazuma iznosi 1.499.217 KM od čega je naplaćeno 485.456 KM a ostatak će biti naplaćen na rate. Š poštovanjem,

 [Redacted] Direktor,
[Redacted]
Azra Muzur, dipl.inž.građ.



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Keg-17-005390
Sjedište: ul. Jaroslava Černija br. 8, tel: 237-655, 447-741; fax: 440-658, www.viksa.ba
Pogon Vodovod tel:532-430, Pogon Kanalizacija tel: 668-260 PTV-IB: 200151950004, ID: 4200151950004

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede
i infrastrukture

Sarajevo, 16.04.2018. god

Broj: 2310/18

N/p Ministra gosp. Senad Hasanspahić

Predmet: Izvještaj o radu Nadzornog odbora za period 16.03.2018. god -10.04.2018. god.

Poštovani,

U prilogu dostavljamo izvještaj o radu Nadzornog odbora KJKP „Vodovod i kanalizacija“ d.o.o. Sarajevo za period 16.03.2018. god -10.04.2018. god.

S poštovanjem,



IZETA MUZUR, dipl.inz.grad.



KJKP "Vodovod i Kanalizacija"
d. o. o. SARAJEVO,
ul. Jaroslava Črnija 8

**IZVJEŠTAJ O RADU
NADZORNOG ODBORA
KJKP "VODOVOD I KANALIZACIJA" D.O.O.
SARAJEVO
ZA PERIOD 16.03.-10.04.2018.**

Sarajevo, 16.04.2018. god.

**Izveštaj o radu Nadzornog odbora
KJKP „Vodovod i kanalizacija“ d.o.o. Sarajevo
u periodu 16.03.2018.-10.04.2018.god.**

Nadležnosti Nadzornog odbora definisane su članom 257. Zakona o privrednim društvima u BiH, članom 8. Zakona o javnim preduzećima u FBiH i članom 33. Statuta KJKP „Vodovod i kanalizacija“ d.o.o. Sarajevo.

U ovom Izveštajnom periodu, Nadzorni odbor je održao dvije sjednice.

4. sjednica Nadzornog odbora je održana 23.03.2018. god. sa sljedećim dnevnim redom

1. Donošenje odluke o davanju ovlaštenja v.d. direktoru preduzeća za potpis svih dokumenata u vezi Podugovora o vraćanju zajma "Projekat vodovod Sarajevo" između Kantona i preduzeća br. 02-14-24402/17 od 21.07.2017. god. i donošenje zaključaka i preporuka u vezi stim.

2. Razmatranje prijedloga izmjena i dopuna Plana javnih nabavki za 2018. god.

3. Donošenje Odluke o raspisivanju konkursa za izbor i imenovanje direktora preduzeća.

4. Donošenje Odluke o imenovanju Komisije za provođenje konkursa za izbor i imenovanje direktora KJKP "Vodovod i kanalizacija" d.o.o. Sarajevo.

5. Razno.

-Nakon diskusije, Nadzorni odbor je donio:

Odluku

o davanju ovlaštenja Azri Muzur, v.d. direktoru preduzeća, za potpisivanje sve relevantne dokumentacije u vezi realizacije kredita Evropske banke za obnovu i razvoj (EBRD) za "Projekat vodovod Sarajevo"

Takođe, Nadzorni odbor je donio:

Preporuku

1. da Uprava sagleda sve raspoložive mogućnosti usklađivanja Podugovora o vraćanju zajma "Projekat vodovod Sarajevo" između Kantona i preduzeća br. 02-14-24402/17 od 21.07.2017. god. , a u skladu sa prijedlogom Uprave preduzeća dostavljenom Ministarstvu komunalne privrede i infrastrukture ,

2. da Uprava KJKP "Vodovod i kanalizacija" d.o.o. Sarajevo poduzme sve aktivnosti da se ispoštuju obaveze Kantona Sarajevo u skladu sa Ugovorom o podršci projekta, zaključenog između Kantona Sarajevo i EBRD-a, u cilju omogućavanja pokrivanja troškova poslovanja i održavanja, plaćanja kamata i obezbijedenja sredstava za amortizaciju i poreznih obaveza preduzeća.

Nakon obrazloženja u vezi dostavljenog prijedloga izmjena i dopuna Plana javnih nabavki za 2018. god. Nadzorni odbor je donio:

Odluku

o izmjeni i dopuni Plana javnih nabavki za 2018. god.

-Nakon obrazloženja Senada Smajlovića, predsjednika Nadzornog odbora, Nadzorni odbor je donio jednoglasno:

Odluku

o raspisivanju Konkursa za izbor i imenovanje direktora KJKP "Vodovod i kanalizacija" d.o.o. Sarajevo

Takođe, Nadzorni odbor je donio jednoglasno:

Odluku

o imenovanju Komisije za provođenje konkursa za izbor i imenovanje direktora KJKP "Vodovod i kanalizacija" d.o.o. Sarajevo

Imenuje se Komisija za provođenje konkursa za izbor i imenovanje direktora KJKP "Vodovod i kanalizacija" d.o.o. Sarajevo u sljedećem sastavu:

1. Šahbegović Faruk, MA-predsjednik,
2. Saračević Damir, Mr.Sci. -član,
3. Kokot Nijaz, dipl.pravnik-član.

5. sjednica Nadzornog odbora je održana 04.04.2018. god. sa sljedećim dnevnim redom:

1.Razmatranje usmene inicijative člana Nadzornog odbora u vezi konkursa za izbor i imenovanje direktora preduzeća koja će se prezentirati na sjednici.

2. Razno.

Nakon diskusije, Nadzorni odbor je jednoglasno donio:

Z a k l j u č a k

1. Nadzorni odbor nalaže Upravi preduzeća da na web stranici i facebook stranici preduzeća objavi informaciju o raspisanom konkursu za izbor i imenovanje direktora KJKP „Vodovod i kanalizacija“ d.o.o. Sarajevo, objavljenom u dnevnom listu „Oslobodenje“ dana 29.03.2018. god.

2. U prilogu informacije o raspisanom konkursu, objaviti i skenirani tekst konkursa koji je objavljen u dnevnom listu „Oslobodenje“, sa napomenom da ova objava ne utiče na rok koji je naznačen u objavljenom konkursu.

3. Informaciju sa skeniranim tekstom konkursa iz dnevnog lista „Oslobodenje“ objaviti najkasnije 05.04.2018. god. do 12,00 sati.


Predsjednik Nadzornog odbora


Senad Smajlović, dipl.inž. građ.



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
 PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
 Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-17-005390
 Sjedište: ul. Jaroslava Černija br. 8, tel: 237-633, 447-741; fax: 440-658, www.viks.ba
 Pogon Vodovod tel:532-430, Pogon Kanalizacija tel: 668-260 PDV-IB: 200151950004, ID: 4200151950004

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede
i infrastrukture

Sarajevo, 16.04.2018. god.

Broj: 2309/18


N/p Ministra gosp. Senad Hasanspahić

Predmet: Izvještaj o radu Skupštine preduzeća za period 16.03.2018. god -10.04.2018. god.

Poštovani,

U prilogu dostavljamo Izvještaj o radu Skupštine preduzeća za period 16.03.2018. god -10.04.2018. god.

S poštovanjem,




Azra Muzur, dipl.inž.grad.



KJKP "Vodovod i Kanalizacija"
d. o. o. SARAJEVO,
ul. Jaroslava Čermija 8

**IZVJEŠTAJ O RADU
ČLANOVA SKUPŠTINE PREDUZEĆA
KJKP "VODOVOD I KANALIZACIJA" D.O.O.
SARAJEVO ZA PERIOD 16.03-10.04.2018. GODINE**

Sarajevo, 16.04.2018. godine



Skupština KJKP "Vodovod i kanalizacija" d.o.o. Sarajevo u sastavu:

1. Muamer Kosovac, predsjednik Skupštine
2. Faruk Šahbegović, član Skupštine i
3. Sedin Kozadra, član Skupštine.

je u ovom izvještajnom periodu održala sjednicu dana **29.03.2018. god.**

4. sjednica Skupštine preduzeća je imala sljedeći dnevni red:

1. Donošenje odluke o usvajanju Plana poslovanja preduzeća za period 2018.-2020. god.
2. Razmatranje Informacije o vodosnabdijevanju Kantona Sarajevo, između dvije sjednice Skupštine preduzeća.
3. Razmatranje Izvještaja o radu Nadzornog odbora između dvije sjednice.
4. Razmatranje ostavke člana Nadzornog odbora gosp. Rasima Mezita.
5. Razno.

- U vezi dostavljenog Prijedloga Plana poslovanja za period 2018.-2020. godina, vodila se detaljna diskusija.

Sedin Kozadra, član Skupštine preduzeća, je zatražio informaciju u vezi rješavanja otpada (mulja), na lokalitetu "Prečistača" na Butilama. Neophodno je sagledati mogućnosti da se pokrene rješavanje ovog problema kroz izradu "studije izvodljivosti"?

Kamal Halvadžija, u zamjeni v.d. direktor preduzeća, je u odgovoru istakao da se radi o ozbiljnom problemu koji se trenutno rješava putem privremene deponije, a za ovo u biti još nema neko trajnije rješenje.

Almir Pamuk, v.d. Izvršni direktor za ekonomske i pravne poslove, je istakao da se i od Svjetske banke očekuje da pokuša učestvovati u rješavanju ovog problema.

Skupština preduzeća je nakon provedene diskusije, uvažavajući činjenicu da je isti usvojen nakon detaljne analize od strane Nadzornog odbora i Odbora za reviziju, jednoglasno donijela:

- **Odluku o usvajanju Plana poslovanja za period 2018.-2020. godina.**

- Skupština preduzeća je razmatrala i informaciju o vodosnabdijevanju između dvije sjednice Skupštine.

Muamer Kosovac, predsjednik Skupštine preduzeća, je zatražio informaciju o saniranju kvarova te o rizicima u predstojećem periodu, kada su u pitanju redukcije vode. Predsjednik Skupštine tražio je da se uprava očituje po pitanju rizika od mogućih redukcija vode u narednom periodu, sa posebnim osvrtom na ljetni period? Takođe je tražio da se radi na prepoznavanju svih navedenih rizika kako bi se isti preduprijedili i umanjila mogućnost od eventualnih redukcija u ljetnom periodu kako bi se građanima omogućilo konitnuirano vodosnabdijevanje.

Jasmina Majstorić, u zamjeni v.d. Izvršnog direktora za vodovodni sistem, je istakla da hidrološka situacija nije loša. Intenziviranim radovima na infiltraciji, vještačkom

navodnjavanju, možemo preduprijeti mogućnost redukcije, odnosno "obogatiti podzemlje". Planom aktivnosti je planirano da se izvrše radovi na lagunama.

Kemal Halvadžija, u zamjeni v.d. direktor preduzeća, je istakao da je u Planu i izgradnja Filtera Bosna III . Naime voda se uzima iz rijeke Bosne i vrši se njeno prečišćavanje, a zatim potiskivanje direktno u sistem (200 l/sec).

Nakon provedene diskusije, Skupština preduzeća je donijela:

Z a k l j u č a k

Prihvata se informacija o vodosnabdijevanju Kantona Sarajevo između dvije sjednice Skupštine preduzeća uz napomenu da uprava i radnici trebaju uložiti dodatne napore kako bi se eliminisali svi rizici koji bi mogli dovesti do ponovnih redukcija.

-Nakon razmatranja Izvještaja o radu Nadzornog odbora između dvije sjednice, Skupština preduzeća je donijela:

Z a k l j u č a k

Usvaja se Izvještaj o radu Nadzornog odbora između dvije sjednice Skupštine preduzeća.

-Nakon diskusije, Skupština preduzeća je donijela:

Z a k l j u č a k

1. Skupština preduzeća smatra da je podnesena ostavka Rasima Mezita, člana Nadzornog odbora, nejasna i nepotpuna bez pravno utemeljenih argumenata (napisana u dvije rečenice), te je za Skupštinu u periodu značajnih napredaka postignutih na sanaciji cjelokupnog stanja u KJKP VIK d.o.o. Sarajevo krajnje nepovoljna za nastavak aktivnosti. Shodno navedenom traženo je da se dostavi detaljno obrazloženje navedene ostavke, jer za ovakvu vrstu članstva nije potrebna saglasnost nadređenog, rukovodioca, imajući u vidu da se ovakve vrste poslova rade van radnog vremena, te da ovakva vrsta poslova nije u sukobu interesa.
2. Obavezuje se Rasim Mezit, član Nadzornog odbora, da u roku od 30 dana, dostavi Skupštini preduzeća, detaljno izjašnjenje i objašnjenje onoga što je navedeno u podnesenoj ostavci.
3. Gosp. Rasim Mezit, je dužan da obavlja funkciju člana Nadzornog odbora do zauzimanja konačnog stava Skupštine preduzeća po ovom pitanju.

-Skupština preduzeća je takođe donijela:

Z a k l j u č a k

Obavezuje se članovi Uprave preduzeća da do sljedeće sjednice Skupštine preduzeća, dostave informaciju u vezi dostavljenog prigovora "Regeneracija" d.o.o. br. 49/18 od 09.03.2018. god. kao i na sve prethodne žalbe koje su dostavljane po ovom pitanju.

Dodjela: [Redacted]

[Redacted]